

皋蘭縣續志卷之四

風俗

金城毗連四郡多秦舊俗明初肅藩以帝子親貴自江南來賜護衛自從蓋千餘人悉家焉故蘭州有南俗自段堅倡理學彭澤及堅孫續蕭光漢繼之吉凶賓嘉冠婚喪祭酌用司馬氏呂氏朱氏家禮之宜於俗者士大夫家遵用至今加以

聖天子化育醇醲長吏月講

聖諭禮義之美浸淫淳古庶民效之亦日厚矣至其下者

皋蘭縣續志

卷四

風俗

三十一

習爲侈靡貴有以變化轉移之斯在爲民父母者續風俗志

正月上元日祭先人薦寒食少長飲甜醅酒以次行禮初旬上塚送紙錢家家牕櫺皆貼花或用五色綵或五色燈草堆襯或針刺或剪或畫人物花卉鳥虫等類極女工之巧元宵前後四日作粉粢饋元餚夜煙燈簫管綵帳錦屏秧歌社火僂童番鼓侈麗甲於隴右十六日婦女多出探親謂游百病夜則觀燈華車轂擊是夜爲盛二月二日祭土神開山子石藥王大小洞邑士女拜藥王神焚香乞病

四月八日五泉山寺浴佛人士游觀施金錢山洞中有摸  
子泉婦人乞石子者摸泉中得石子云宜孕五月五日遊蓮  
花池六月初一日至十九日鄉民頂香朝興隆山天都山  
石佛溝山後五泉山百步拜佛相習成風六月六日游金  
山寺祀禹王廟游五泉西龍口沐髮云已頭痒上塚獻菘  
豆湯杏子王瓜七月七日婦女祀星乞巧十五日放河燈  
集黃河橋上逢立秋日食王瓜云免泄瀉八月三日祭阿  
公祠梨園作劇酺飲八日九月九日飲菊花酒登白塔山  
皋蘭山十月初一日男婦上塚作紙箱盛紙衣裳冠履之  
皋蘭縣續志

卷四

風俗

三十一

屬爲先人送寒衣祭奠燒墓上冬至拜小歲臘八日作豆  
粥食已塗門二十三日祀竈獻膠糖除夕婦女焚楮錢祭  
門外餘同秦俗

土產

蘭州山高土厚風氣剛勁曩來至冬月地凍裂黃河冰厚四五丈今天氣稍和暖河水漸薄地亦不裂植物花卉菜果之屬亦與前稍異矣

五泉山水清土沃性宜種水菸菸利雖少倍於前而民益貧一遇歲稔西寧河狄穀不至則粟價騰踴農桑利微民不務本故也今種棉花者東岡鎮陳官營一條城皆有之此外水土所生舊志未載者則有醉瓜小而甘香哈密瓜換臺戍兵自新疆帶瓜子來種者初歲似哈密所貢瓜歷

一歲取子種之色香漸變縐綢瓜亦哈密來之別種甘香殆及哈密瓢兒菜江南人攜子來種今處處有之東瓜湖北來種青菜貴州來種蓮花白菜西域來種皆舊志所無稻米買子堡川種之今粳米香米之種亦自江南來洋菊新添四十餘種嘉慶間有自漢南移植芭蕉者一二年多凍折道光十一二年邑人於黃河沿築園池種蓮花種五色魚又有蜀川櫻櫚髣髴南土矣

皋蘭紡織之利古惟緝羊毛爲線織褐衣之功作頗粗乾隆初有絨褐之名較諸毛褐爲精其尤精者姑姑絨相傳

城南溝上觀音堂有比丘尼履行清潔緝毛織褐易粟布藉以生邑謂尼爲姑姑故名嘉慶初有人自河南來得木綿花種臨河種之綿易成道光間邑令周礪始教民緝綿爲線改褐機爲布機織綿布又作織綿布文示諭之民頗有從者然織褐爲多客商來蘭州收絨褐者歲數萬金縣界陳官營一條城東岡鎮皆種綿花惜其種者少而紡織之利不行也

田賦

漢孝文帝始詔蠲民田一歲租景帝力行節儉太倉粟  
陳陳相因大府錢至緡貫朽不可校故漢書屢載蠲租  
詔後世國貧民因簿吏勾稽催科日不暇給我  
朝以仁化致太平民田賦二十而取一免租之

詔較徃史爲最多自乾隆四十五年至道光二十年歲歷  
二紀

詔免民租

詔緩征

皋蘭縣續志

卷四

田賦

三十五

詔賑粟

詔貸籽種口糧 雨露稠疊卽皋蘭一縣天下可知

聖天子宵衣旰食憂吾民甚至學者多稱唐虞世尚矣顧  
古今異治使堯舜生今日抑豈有以加此哉志田賦

蠲賑

乾隆四十五年奉

上諭蠲免甘肅通省四十三年以前未完地丁銀糧

五十一年奉

上諭蠲免甘肅通省五十年五十一年地丁錢糧

五十四年覆准蘭州等處連年被災分給買穀種銀兩并照例給口糧養贍

五十五年以征策妄阿刺布坦軍興奉

上諭蠲免河州皋蘭等處五十六年銀糧豆草

五十六年奉

上諭甘肅帶徵地丁屯衛銀概免徵收

五十七年奉

上諭甘肅所屬目今係有軍務之時除米豆草束外其乾隆五十八年應徵地丁銀一概蠲免又將歷年積欠銀米

皋蘭縣續志

卷四

田賦

三十六

草豆盡行豁免

五十九年以軍興奉

上諭河州蘭州河州衛蘭州衛蘭州廳等處除米豆草束外本年額銀盡行蠲免又以甘肅所屬二麥歉收奉

上諭蠲免六十年通省地丁銀又奉

上諭動戶部庫銀五十萬兩委西安延安蘭州分三路散賑併將甘屬各處常平倉糧酌量散賑

六十年春以甘肅去歲夏秋被災奉

上諭撥解庫銀二十萬兩給發籽種俟秋收後補還

乾隆四十七年以回變既平奉

上諭賑卹皋蘭河州被難貧民共糧三萬六千九百餘石  
銀七萬三千餘兩

四十九年奉

上諭全免蘭州府正耗銀糧

五十二年奉

上諭賑卹蘭州府屬貧民共糧三十八萬二千五百餘石  
五十九年奉

上諭蠲免天下歷年民欠蘭州府屬計共銀八萬一千八

皋蘭縣續志

卷四

田賦

三十七

百餘兩糧二十四萬四千餘石草一萬七千餘束  
六十年以丙辰春元旦舉行

傳授大典

上諭將嘉慶元年地丁銀糧分作三年次第輪免又蠲免  
蘭州府屬各項經雜銀共四萬四千四百餘兩

嘉慶六年旱奉

上諭賑卹貧民共糧六萬七千八百餘石銀五萬一千五  
百餘兩

七年奉

上諭蠲免元年至六年蘭州府屬民欠銀六萬七千四百餘兩草五萬五千餘束

二十四年奉

上諭蠲免蘭州府屬歷年民欠銀八萬四千九百餘兩糧八萬一千餘石

道光六年奉

上諭蠲免蘭州府屬銀共四萬九千七百餘兩糧十萬八千七百餘石草三萬七千五百餘束

道光十三年夏旱秋禾生蟲詳請緩徵

皋蘭縣續志

卷四

田賦

三十八

十四年夏旱小麥一斗錢七百出糶倉糧以平市價詳請緩徵

十六年夏秋禾旱詳請緩徵借民冬底及十七年正二月口糧並十七年籽種

十七年夏秋禾旱詳請緩徵借民冬底及十八年正二月口糧並十八年籽種

十八年秋禾被雹詳請緩徵借民來年籽種口糧

十九年夏秋禾被霜雹詳請緩徵借民來年籽種正二月口糧



二十年夏禾旱詳請緩徵借民來年籽種正二月口糧

二十一年夏禾被雹詳請緩徵

二十二年夏禾被水秋禾被霜雹詳請緩徵

皋蘭縣民屯地丁銀糧原額舊志詳矣道光五年屯屬高王崖頭被水衝剝奉文豁免地一十頃一畝六分應豁免銀六兩四錢三分三釐糧六十石九升六合草六十四束三分屯屬實熟共地一千一百一十四頃三十七畝零應徵銀六百八十四兩二錢一分四釐糧六千四百二十七石五斗五升八合草七千二百八十一束八分九釐

皋蘭縣續志

卷四

田賦

三十九

新墾

道光十六年廳民魏紹孟等首報開墾北鄉新灣入額地二頃五十六畝每畝徵銀五釐共徵銀一兩二錢八分實地在共地一千二十六頃二十九畝六釐實徵本色倉斗糧二千七十五石四斗七升八合五勺實徵地丁銀一千一百一十九兩九錢七分八釐六毫民屬仍照舊志原額並無水冲沙淤開除銀糧

撥歸紅水縣丞地丁銀數舊志俱已載明乾隆五十八年寬紅二堡戶民姬公孝等報墾入額升科地四十七畝嘉

慶二年武家川戶民朱德等報墾入額升科地七十四頃七十五畝二十一年紅水堡戶民陳詠等報墾入額升科地二十二頃五十九畝二十三年寬溝堡戶民蕭漢福等報墾入額升科地一頃六十畝道光元年紅水堡戶民宋安邦等報墾入額升科地一十二頃一十八畝共墾地一百一十一頃五十九畝內除嘉慶七年改歸皋蘭縣接徵新墾入額地七十四頃七十五畝外共新墾地三十六頃八十四畝每畝徵銀四釐四毫共徵銀一十六兩二錢九釐六毫遇閏加增照數坐支驛站

皋蘭縣續志

卷四

田賦

四十

明初兵制每軍一名查給衛所屯地一頃以爲屯田彼時養兵雖衆不費一錢官不煩催科民不苦輸納正統間改令民輸粟於官軍支糧於倉催徵出納吏緣爲奸兵餉漸缺民賦日逋甚至典屯弁職繫獄籍役者纍纍屯政日壞萬歷七年臨鞏兵備暴孟竒議請每兵仍給地一頃熟荒各半兵民相安者又四十年迨天啟間羣寇蜂起抽調援剿遂廢屯地支軍糧地荒民逃因貽熟田包賠患愈甚當事者揆厥利病舉而力行之其有裨於軍民大矣按此條出陳如稷舊志黃建中前志不載

今補錄以俟司軍民之責者採而用之庶營政有裨

戶口

乾隆五十八年

上諭今天下戶口比順治初年增三十倍道光十年冊報  
皋蘭縣及所屬紅水縣丞戶七萬三千一百七十口四十  
六萬七千八百一十七道光二十二年冊報皋蘭縣及紅  
水縣丞戶七萬五千三百九十口四十七萬八千六百七  
十一

茶課

皋蘭縣續志

卷四

戶口茶課

四十一

甘肅司部舊額引八千三百八十二道續增至九千九百  
八十二道乾隆四十二年自四十三年起每引一道舊二  
成本色改征一成官茶二封舊八成折色銀二兩四錢改  
征官茶一封九成折色銀二兩七錢乾隆五十二年嘉慶  
四年前後總督奏請在榆林額引內分撥甘司茶引九百  
道又奏請續增引八百道連前共引九千九百八十二道  
茶每引一道收一成本色官茶一封共茶九千九百八十  
二封銀每引一道收九成折色銀二兩七錢共銀二萬六  
千九百五十一兩四錢

社倉

蘭廳歸縣原額民捐社倉倉斗糧共五十七石二斗七升  
社長曹振德等經理原在民房存貯今無考

義倉

道光五年陝甘總督那彥成奏請甘肅州縣設立義倉積  
穀以防饑年總督那彥成捐倉斗粟穀一千石布政使楊  
健捐粟穀一千石按察使蔡炯捐五百石蘭州道楊翼武  
捐五十石蘭州府桂明捐五十石皋蘭縣李清傑捐四百  
石城鄉士民共捐小麥一千九百一十七石一斗二升粟

皋蘭縣續志

卷四

社倉義倉

四十二

穀三千六百七十六石七斗五升大麥一百一十九石七  
斗八升菀豆五石一斗青稞一百一十九石五斗五升玉  
麥一石二斗統計官民共捐倉斗糧八千八百三十九石  
五斗一升俱皋蘭士民公舉正副義長在源源倉並寺廟  
民房收貯縣署有案

郵政

省城舊有普濟堂棲流所其設立緣由及官捐發商生息  
銀兩全數置買庄田取租經理嗣因佃戶歷年挖累租銀  
致令縣官賠墊道光七年縣令陳士楨詳請將地變價生

息變價銀一千九百二十兩內提出原買價銀八百五十兩外又提出銀二百兩共銀一千五十兩同前發銀共合四千兩併交茶商當商生息各經理銀二千兩其餘銀八百七十兩因東西驛路被水衝壞黃河擺渡船隻大半破損詳明卽在此項內動用於棲流所勒石記事以垂永久嘉慶十六年陝甘總督那彥成以甘肅土瘠民貧連年荒歉窮民乞食過多生育子女每形凍餓或父母病故以及自行傷殘情事可憫在省城東郊外捐俸置買閒房改建育嬰堂一處收養無依幼孩幼女僱覓年老誠實夫婦二

人在堂育養管束其子女口食衣履並經理人食用及一切雜費俱照議定章程在征獲大教場東西圍牆外官地租內動用錢一百六十二千四百五十八文照議支給由皋蘭縣經理年底報銷